

Ամառվա արձակուրդներից հետո ՀՄՄ վերսկսում է իր աշխատանքը: Միության բոլոր անդամները հրավիրվում են ակտիվ աջակցելու Միության գործունեությանը: Տեղեկատվական նյութերը ժամանակին Միության անդամներին հասցնելու համար հատկապես տեխնիկական միջոցների (համակարգիչ, քսերոքս) մեծ կարիք է զգացվում:

ՊԺԱՄԱՆԱԿԱԳՐՈՒԹՅՈՒՆՆԵՐԸ Հունիսի 23-ին հորհրդի 6-րդ նիստում որոշվեց հիմնադրել մրցանակներ ՀՄՄ երիտասարդ գիտնականների լավագույն աշխատանքի համար և կազմվեց կանոնադրությունը նախապատրաստող համապատասխան հանձնախումբ: Խորհրդի անդամները ԲՈՒՀ-ներում ավարտական և ընդունելության քննությունների ընթացքի վերաբերյալ փոխանակվեցին մտքերով; խոսվեց նաև Միության ապագա անելիքների մասին:

ՊԶԱՅԱՐԱՐՈՒԹՅՈՒՆՆԵՐԸ Հոկտեմբերի 6-ին (երեքշաբթի), Ժ.17.00 տեղի կունենա ՀՄՄ Խորհրդի նիստ հետևյալ օրակարգով. ա) ՀՄՄ կողմից սահմանվող մրցանակների կանոնադրության քննարկում; բ) դպրոցներում մաթեմատիկային հատկացված ժամերի քանակի շուրջը քննարկում գ) Միության անդամների արտասահմանում թարգմանված աշխատանքների հոնորարները փրկելու ուղիների որոնում; դ) կազմակերպչական հարցեր:

*Նույն օրը Ժ.18.00 նշանակված է ՀՄՄ ընդհանուր գիտական նիստ: Ձեկուցող՝ դոկտ. Բորիս Նահապետյան (մաթեմատիկայի ինստիտուտ)

ԳԻՐԱՅԱՆ ՊԱՏԱՀԱԿԱՆ ՊԱՇՏԵՐ ՎԻՃԱԿԱԳՐԱԿԱՆ ՖԻԶԻԿԱՅՈՒՄ

Հրավիրվում են ՀՄՄ բոլոր անդամները:

ՊԻՏՈՒԹՅՈՒՆՆԵՐԸ Հիշեցնում ենք, որ այս տարվա փոքրագույն մուծումն է 50ռ (գումարած 25ռ մուտքի համար, եթե չի մուծված): ՀՄՄ անդամների հարմարության նպատակով տարբեր հաստատություններում կնշանակվեն ներկայացուցիչներ, որոնց միջոցով հնարավոր կլինի լուծել ՀՄՄ հետ առնչվող բոլոր հարցերը, ներառյալ անդամավճարները և նամակագրությունը: Անհատ անդամները և բոլոր ցանկացողները կարող են անշուշտ դիմել անմիջապես ՀՄՄ ատենապետին կամ ընդհանուր նիստի ժամանակ): Ֆինանսական դվարությունների պատճառով "Տեղեկաթերթի" սույն համարը ուղարկվում է միայն պարտքերը մարած ՀՄՄ անդամներին:

*Շարունակվում է հայ մաթեմատիկոսների տվյալների բանկի ստեղծման նպատակով բաժանված հարցաթերթիկների ետ ընդունումը՝ խնդրվում է բոլորին լրացված թերթիկները վերադարձնել ՀՄՄ գրասենյակ:

ՊՎԿԵԼՎԱԾՈՒՄ Այս համարում շարունակում ենք հրապարակել ՀՄՄ դիմող և Խորհրդի կողմից հաստատված անդամների ցուցակը (ըստ ներկայացված դիմումների ժամկետի): Տվյալների փոփոխությունների դեպքում խնդրում ենք տեղեկացնել Միության գրասենյակ: